

SON VAR ZUJET AN AOUR

Ton : *Er Finister ez on bet ganet*

I

Ar brezel abaoue triwac'h miz
A lak an douar da grena ;
Biskoaz na welched tra ken iskiz
Abaoue 'man ar bed 'n e za.
 Sellit nag a dud
 Ve gwetel bemde
 Evel loened mud
 Draillet didrue
Hag oc'h astenn da viken
O c'horf war an dachen.

II

Piou a zo koz d'eur reuz ken spontus
Met Gwillom hag e gonsorted :
Pennou foll an Otrich hag ar Pruss
O doa c'hoant da c'houarn ar bed ?
 Mez o zorchennou
 Vo kaset da fall,
 Rak an holl vroïou
 A zaw da ziwall
O frankiz hag o douar
Gant eur galon dispar.

III

Goude 'ver kement eneb d'eze
Komprenit eta nag a boan
'zo evit dont abenn dioute
Ha da zistarda o c'hraban,
 Daou ugent vla 'zo
 Eur zonz n'o doa ken :
 Atao klask an dro
 D'hon brevi souden :
Gant ze 'oa lemm o armou
Ha leun o c'hanoliou.

IV

Siouaz ar starta deuz al labour
A zo ganemp-ni, tud ar Franz ;
Da gas mêz hon bro an dud treitour
Hon deus c'hoaz defot eun tam lanz
 Kanoliou dre vil
 Boulejou dre vern
 Da sklapa a bil
 D'eze war o c'hern
Ma chomfont holl gourvezet
War an douar kalef.

V

Seul vui a ganoliou a mefomp
Seul vui 'vo armet Yann zoudard
Seul neubeutoc'h a dud a golfomp
Ha kalon 'vo da zerc'nel stard
 Mes red é komprenn
 E renkomp prena
 Digant an estrenn
 Kals traou da farda
An armou 'vit hon gwazed
Pe c'hoaz dillad ha boued.

VI

Nemet an traou-ze 'vit o fêa
E red kavet arc'hant hag aour
Dre-ze ar Franz a c'houlenn bre
Digant ar pinvik hag ar paour
 Dont a galon vad
 Da harpa o bro
 Pep den en he stad
 Muia ma c'hello
En eur droka 'vit paper
An aour 'deuz 'n o zier.

VII

Bea 'zo tud aonik, war henvel
A gred c'hall ar billejou koll
'O zalvoudegez goude 'r brezel
Hag e vefent revinet holl ;
 Ar re-ze 'zalc'h kuz
 An aour prisius
 En eur goz loeren
 Red 'vit dont a-benn
Deus an hailloned krisa
'Zo o klask o c'hrigna.

VIII

Pegen braz mez e ve d'ar re-ze
'Pad ma zo kalz a goue gant joa
Nac'h renta d'ar Vro ha d'an arme
Eur zervich na goust d'é netra,
 Mad a vije grêt
 Da gement tosten
 Ma ve trefuzet
 Ar peziou melen
Pere 'ziskouefe re skler
Bea chomet er ger.

IX

Beh tro m'o deuz bet renket skoaza
'Vit difenn ar Franz en danjer
Ar Vretoned 'barz ar renk kenta
'Deuz c'hoariet o fotred têt,
 Diskouezomp d'an holl
 Omp c'hoaz eur bobl vad
 A oar rei he aour
 Kerkoulz hag he gwad ;
Trokomp 'ta hon holl peziou
Evit ar billejou.

Pôtr Montroulez.